

Öise Lade 8-2012, p. 54

Guglielm Tell ha franc gi gronda fom. S'imaginai: tutgar il mail sin il chau da l'agen figl, remblar tras il stemprà sin il Lai dals Quatter Chantuns e la fin finala anc curre fin a la «Hohle Gasse» per sajettar la segunda frizza sin Gessler.



Guglielm

Tell

E tranteren naging temp per mangiar. Sche Tell fiss stà Engiadinais avess el stuì mangiar avant in «plain in pigna», la spaisa tipica engiadinaisa cun tartuffels grattads. Quels ston ins metter crivs e frestgs sin ina lastra cun bler ieli d'ulivas u paintg. Latiers tutgan quadrins da charnpiertg. Betg emblidar da cundir bain. Suentter mett'ins la lastra en il furn e quai che vegn puspè or dal furn è ina delicatessa. Guglielm Tell avess senza dubi gi gugent «plain in pigna», era sch'el era in Uranais. Ma «plain in pigna» è ina tratga per tips sco Guglielm Tell. E tge mangian ils eroxs dad oz? Per exempel ils politichers e diplomats che ston negoziar cun auters stadis? U ils eroxs da sport che van als gieus olimpics a Londra? Jau crai strusch «plain in pigna». Ils sportists planiseschan gia onns avant tge ch'els ston mangiar per esser en furma il di x, uschia ch'els han la schanza da d'entivar champiun olimpic. «Plain in pigna» avess segiramain memia bler grass. Ma forsa che «plain in pigna» fiss in trumf per diplomats e politichers. Forsa che la Germania avess gia daditg acceptà las cunvegns da taglias cun la Svizra, sche las figuras decisivas avessan pudì mangiar ina giada in bun «plain in pigna».



David Spinnler